



UNHCR
The UN Refugee Agency

Armenia

**ՄԱԿ-ի Փախստականների գործակալության
հրատապ մարդասիրական արձագանքը
Գեղարքունիքի, Վայոց ձորի եւ Սյունիքի մարզերի սահմանամերձ
համայնքներից տեղահանված ընտանիքներին**

Նոյեմբեր, 2022 թվական



ՄԱԿ ՓԳՀ-ն օգնության բաշխման կենտրոնում Վարդենիսի համայնքապետարանի աշխատակիցներին օգնում է դասավորել հիգիենայի պարագաների արկղերը: Գեղարքունիքի մարզ, սեպտեմբերի 20, 2022 թ. © ՄԱԿ ՓԳՀ/Անտո Մուրադյան

Ընդհանուր տեղեկություններ

2022 թ. սեպտեմբեր-հոկտեմբեր ամիսներին ՄԱԿ ՓԳՀ-ն մարդասիրական օգնություն ցուցաբերեց նույն թվականի սեպտեմբերի 13-14-ին հայ-ադրբեջանական սահմանին ռազմական իրադրության սրման հետևանքով տեղահանված ընտանիքներին:

ՄԱԿ ՓԳՀ-ն առաջինն էր այն միջազգային կազմակերպություններից, որն անմիջապես արձագանքեց՝ օգնության ձեռք մեկնելով տեղահանված բնակչությանն ու նրանց հյուրընկալած համայնքներին՝ ի պատասխան ՀՀ կառավարության առաջարկին: Մարզային ու տեղական կառավարման մարմինների հետ տուժած մարզերում համատեղ փաստահավաք առաքելությունների եւ հանդիպումների միջոցով ՄԱԿ ՓԳՀ-ն օգնեց բացահայտել բռնի տեղահանված բնակչության առաջնային կարիքները: Դրանից անմիջապես հետո ՄԱԿ-ի Փախստականների գործակալությունը՝ որպես Կառավարության ջանքերի համալրում, կազմակերպեց օգնության բաշխումը՝ փորձելով նվազեցնել տուժած բնակչության առջեւ ծառացած խնդիրները եւ փոքրիշատե թեթեւացնել հյուրընկալող համայնքների հոգսը:

Հակիրճ տվյալներ



**1,102 պարագա
բաշխվել է**




**215 տնային տնտեսություն
ստացել է աջակցություն**



**935 անձ ստացել է
աջակցություն**

ՄԱԿ ՓԳՀ-ն, ընդհանուր առմամբ, տրամադրել է **1,102 ոչ պարենային պարագաներ**. մարմնի խնամքի հավաքածուներ՝ կանանց, տղամարդկանց եւ երեխաներին, ներառյալ՝ մանկական տակդիրներ, ներքնակներով ծալովի մահճակալներ, անկողնային սպիտակեղեն, ծածկոցներ, ջեռուցիչներ, խոհանոցային հավաքածուներ եւ տարաներ: Օգնություն է հատկացվել **935 անձի (215 տնային տնտեսություն)**, որոնք ժամանակավոր հանգրվան են գտել Վարդենիս (Գեղարքունիք), Արենի (Վայոց ձոր), Գորիս եւ Տեղ համայնքներում (Սյունիք): Ընդհանուր բյուջեն կազմել է շուրջ 19 միլիոն ՀՀ դրամ (մոտ 50,000 ԱՄՆ դոլար):

Մարդասիրական օգնությունը տրամադրվել է ՄԱԿ ՓԳՀ գործընկեր ՀՀ-ների համագործակցությամբ, ինչը հաջորդեց արտակարգ իրավիճակից հետո ՀՀ կառավարության՝ Արտաքին գործերի, Աշխատանքի եւ սոցիալական հարցերի, ինչպես նաեւ Տարածքային կառավարման եւ ենթակառուցվածքների նախարարությունների հետ ունեցած հանդիպումներին: Աջակցությունը տրամադրվել է երեք մարզերում տարածաշրջանային եւ տեղական մարմինների սերտ համագործակցությամբ:



ՄԱԿ ՓԳՀ-ն իր երախտագիտությունն է հայտնում Գեղարքունիքի, Վայոց ձորի եւ Սյունիքի մարզպետարաններին, Վարդենիսի, Արենիի, Գորիսի եւ Տեղի համայնքապետարաններին եւ «Առաքելություն Հայաստան» ՀԿ-ին՝ օգնության ճիշտ ժամանակին եւ թափանցիկ բաշխման համար: Ներքին տեղահանման ենթարկված անձանց՝ համայնքապետարանների սահմանած խոցելիության չափանիշները ներառում են միայնակ տարեցներին, ֆիզիկական եւ (կամ) մտավոր հաշմանդամություն ունեցող անձանց, կանանց գլխավորած տնային տնտեսությունները, փախստականներին ու նրանց իրավիճակում գտնվողներին: ՄԱԿ ՓԳՀ-ն հանձնառու է շարունակել պետական կառավարման մարմիններին եւ տեղահանված անձանց իր մանդատի շրջանակում աջակցելու ջանքերը:

ՄԱԿ-ի Փախստականների գործակալության Հայաստանի գրասենյակ

